

*I. J. W.*

*26*

DISSERTATIO ACADEMICA  
BREVEM EXPOSITIONEM

**VOCIS KTÍΣΕΩΣ**

Rom. VIII : 19.

EXHIBENS,

QUAM,

INDULTU AMPL. FAC. PHIL. IN ILLUSTRI  
HELICONE AURAICO,

Sub UMBONE

*VIRI MAXIME REVERENDI atque CELEBERRIMI*

**D<sup>NI</sup> ISAACI ROSS,**

S. S. L. L. PROFESS. REG. & ORD.

*Publico bonorum examini modeste submittit*

**ISAACUS WALLENIUS, Jos. Fil.**

TAVASTIA-FENNO,

IN AUDIT. SUPERIORI DIE XXVII. JUNII,

ANNI MDCCCLXI.

H. A. M. S.

---

Impress. JOH. CHRISTOPH. FRENCKELL.

VIRIS Maxime & admodum Reverendis atque Praeclarissimis D:nis Doctoribus Magistrisque, S. S.

Theol. & Phil. in Reg. Gymn. Borgoënsi

**LECTORIBUS DEXTERIMIS,**  
Synedrii Ecclesiastici Assessoribus æquissimis, Pa-  
tronis Promotoribusque meis pia mente  
jugiter colendis.

Benevolentia Vestra, Patroni & Promotores optimi,  
quam mihi inde ab illo temporis articulo, quo felix  
illud ingeniorum morumq; domicilium Borgoënsē mihi met-  
patuit, declaratam voluisti, tanta omnino est, ut bæreat  
oratio, torpeat lingua, nec verba suppetant, quæ eam pro-  
dignitate prædicent. Cum autem affectum prorsus pater-  
num, quo me amplecti dignati es sis, memori pioque revol-  
vam pectore, non possum non germina hæc studiorum prima,  
quæ non aliis quam Vobis, Patroni & Promotores, debo, in  
cippum perpetuae venerationis & gratitudinis Maxime Re-  
verendis atque Praeclarissimis Vestris Nominibus consecra-  
re, humillime contendens ut tenues rudique Minerva adum-  
bratas hasce pagellas, quas ad aras favoris Vestri depono,  
serena, ut soletis excipiatis fronte, nec tam vilitatem mu-  
neris quam offerentis pietatem respiciatis, radiosque Ve-  
stræ benignitatis in clientem venerabundum ulterius et-  
jamnum derivari patiamini. Pro Vestra incolumitate  
& flore perenni sinceras ad Summum Moderato-  
rem tendam palmas, futurus, quandoq; Spiritus hos re-  
xerit artus.

Maxime Rever. atque Praeclariss. Nom. VESTRORUM

humillimus cultor

ISAACUS WALLENIUS.

*VIRO Plurimum Reverendo atque Praeclarissimo*  
**D: NO MAG. CHRISTIANO WELIN,**

Pastori animatum, quæ Christo in Tyrvis & Kika colliguntur, meritissimo, ut  
Patrono & Nutritio propensissimo, ita omni pietate æternum  
colendo, suscipiendo,

*VIRO Plurimum Reverendo & Praeclarissimo*  
**D: NO MAG. NICOLAO MALM,**

Ecclesiæ, quæ Deo in Achas congregatur, Pastori Laudatissimo, ut haudita  
pridem Nutritio benignissimo, ita Fautori omni honoris affectu  
semper venerando.

*VIRO Consultissimo*  
**Domino JOSEPHO HORTELL,**

Justiciæ vicario Praefecto æquissimo, Consobrino dilectissimo, Fautori omni  
honore perpetim prosequendo.

**D**um favorem singularem, quo me Patroni & Fautores o-  
ptimi, ex eo temporis momento, quo Vobis primum  
innotui, amplecti haud dignati estis, in mentem re-  
voco, tot animum subeunt ejusdem indicia, ut ea si recensere  
inciperem obruerer certe eorum mole. Et, ut nihil, quod Ve-  
stra erga me liberalitati & benevolentiae vel ex parte respon-  
deat, Vobis P. & fautores offerre valeam, humillime tamen  
oro, ut placido adspiciatis vultu chartaseum hocce munuscu-  
lum, hebetioris quidem ingenii & balbutientem foetum, animi  
tamen gratissimi fidelem interpretem. De cetero ardentissima ad  
Supremum Numen, pro Vestra Vestrorumque, omnigena &  
diuturna felicitate vota fundere non intermittam. Ero, dum  
vixero.

**NOMINUM VESTRORUM**


*cultor humillimus,*  
**ISAACUS WALLENIUS.**

VIRO Plurimum Reverendo atque *Præclarissimo*,  
**DOMINI NO. JOS. WALLENIO,**  
Legionis pedestris Tavastburgensis Past. longe meritissimo,  
PARENTI INDULGENTISSIMO.

**E**xorta est jam fauste rutilans aurora diei, quo mihi, quod diu in votis habui, summam meam erga Te pietatem, in animo hucusque retentam, expromendi datur ansa. Nulli enim post Deum immortalem magis, quam Tibi, Parens Optime, me debere lubens profiteor. Tu memet in theatrum vitæ productum amore vere paterno complexus es, & hinc in eunte, adolescentia me Apollinis Sacris initiandum curasti. Salus mea Tibi adeo curæ cordique fuit, ut nullis sumptibus, quibus unquam par esse potuisti, pepercenis, immo, Tibi potius quam mihi deesse volueris. Quid vero pro paternis Tuis in me meritis rependam? Nihil certe suppetit aliud, quam linneolæ hæ sterili camœna conscriptæ. Non quod vel exiguam illorum partem hac ratione expungere me posse credam, sed potius ut pietati in Te meæ faltem hac publica & ingenua professione satisfacere aliquatenus contendam. Accipe igitur P. O. publicam hanc gratæ mentis tesseram pro tot tantisque in me collatis beneficijs, primitiasque hasce, quas primas meus edidit hortus, paterno adspice vultu. Quod si impetravero, quemadmodum confido, novum aliquod ad priorum cumulum hoc ipso accedere non dissimulo. Mei insuper erit officii Deum T. O. M. calidissimis compellare precibus, velit te nostrum, qui tuo præsidio indigemus, gaudio, omni felicitatis genere cumulatum quam diutissime superstitem conservare. Ita ex intimis cordis penetralibus vovet

PARENTIS INDULGENTISSIMI

obedientissimus filius  
**ISAACUS WALLENIUS.**



## PRÆFATI O.



uamvis omnia, ad salutem & vi-  
tae honestatem scitu credituque  
necessaria, in S. pandectis tam  
plana & aperta sint, ut ab o-  
mnibus, qui sacris pio affectu le-  
gendis delectantur, cum utilita-  
te & fructu legi possint; nihilo  
tamen minus in iis δυοεργασίαις καὶ δυονόηταις repe-  
riuntur, adeo ut in eorum genuino sensu inda-  
gando nostri saepiuscule lippiant cæcutiantque oculi,  
& in arte hermeneutica parum versati velut in

Labyrinthis ac Mæandris quibusdam inextricabilibus haud raro oberrare sibi videantur. Hinc circa unum eundemque locum tot conspicuntur expositionum turmæ, tot controversiarum trochleæ, ut magna sane opus sit cautione, ne in illud invehamur pelagus, ubi diversarum sententiarum Euripo facile possemus absorberi. Cumque hoc dictum Pauli puod præsentis opellæ præ se fert rubrum, inter vexatissima Sc. S. loca reperiatur, placuit, licet præstantissimi Viri in eo enodando laudatissima opera ante nos desudarint, illud nihilominus sub incudem & examen vocare, tenuesque ingenii vires in erenda vera notione vocis κπίστως periclitari. Quod dum molimur, B. L. majorem in modum rogamus, velit lucubrationem hanc, pro ratione temporis angustis nimis circumscripti limitibus modulique ingenii molli brachio elaboratam, miti perstringere censura, sibique persuadere, nos veritati magis, quam ornatui studere.

## §. I.

**A**ntequam ulterius progredimur sine ambagibus Apostolum in theatrum producimus, ita disserentem. Η ἀποκαρδονία τῆς κτίστως τὴν ἀποκάλυψιν τῶν ψών τῷ θεῷ ἀπειδέχεται, Rom. VIII : 19. Ubi vocabulum κτίστως Criticis evasit Eridos quoddam pomum. Fatemur hoc in punto & momento plurima sese nobis offerre sententiarum examina, adeo

deo ut cogitationibus tantum non incerti fere flu-  
et uemus, quam cui præferendam censemus. Alii  
enim, ut quasdam tantum opinionum & conjectu-  
rarum, quarum heic fœcundissima datur seges, e-  
numeremus, per ἄποστολον angelos heic volunt intelli-  
gi: alii pro creaturis irrationalibus inanimatisque  
pugnant: alii homines heic nomine ἄποστολος veni-  
re statuunt, qui iterum in duas abeunt partes,  
quarum una infideles, altera fideles per ἄποστολον si-  
gnificari contendit. De singulis autem paucis  
dicendum, priusquam albus vel niger iis addatur  
calculus.

## §. II.

**Q**ui cum Origene ex veteribus & ex recentiori  
ricus Trillero bonos angelos heic intelligi pu-  
tant, eorum opinio, licet plurimos naœta sit defen-  
sores, vel futilitate sua concidit. Sanctissimi enim  
Angeli, ut nulli vanitati ita nec corruptioni sunt  
obnoxii, unde nec ad illud adspirare dici possunt,  
quod constanter habent, quorum etiam beatæ for-  
ti συσταζειν καὶ συναδεῖν v. 21, repugnat. Nec quis  
inde nobis cornua obvertat, quod angeli Ebr. I: 14.  
dicantur πιεῦματα λειτουργικὰ, adeo ut per ματαῖσθαι  
καὶ δηλεῖσθαι indigitetur ministerium, quod homi-  
nibus præstant, ut volunt hujus sententiae patroni.  
Summo enim gaudio fidelibus ministrant, ad-  
eoque hæc non potest dici δηλεῖσθαι φθορᾶς, nec  
angeli huic εἰς ἐκάπτει subjecti.

## §. III.

## §. III.

**S**ententiam illam, qua nomine κρίνεται heic creaturæ rationis expertes atque inanimæ intelliguntur, defendunt inter nostrates B. Lutherus, Chemnitius, Gerhardus aliique plures, secuti veteres ecclesiæ patres Chrysostomum, Theodoreum, Hilarium cum pluribus. Ut autem suæ assertioni aliquam veri speciem concilient, dicunt creaturis mente destitutis actiones & proprietates, rationalibus alias competentes, tribui per aliquam Rhetorum figuram, quæ πρεσωπονια appellatur. Sed nec hæc opinio, tot licet suffulta auctoritatis Colossis, nobis fese probat. Præterquam enim quod Apostolus dicit se λογιζεσθ̄ argumentando concludere v. 18. & v. 22. οὐδαμεν, qua similique voce in prosopopœiis nunquam usus est, sed in rebus certis & exploratis, Rom. VII : 14. VIII : 28. manifestum est Apostolo de iis creatis, ut reliqua taceam prædicata, hic sermonem esse, quæ ἀπὸ τῆς φθορᾶς εἰς τὴν ἐλευθερίαν τῆς δόξης τῶν τίκτων τὸ θεῖον liberandæ veniunt, quod cum in vitæ rationisque expertia nullo modo cadat, nec a prosopopœia, ut modo monui, quicquam sit præsidii, nil relinquitur aliud, quam hanc explicationem haud posse admitti. Aurem vero nobis vellit Chrysostomus, qui contendit particulam οὐ pro διὰ heic positam esse, ad eoque Apostoli mentem esse, creaturam liberatum iri a servitute corruptionis propter libertatem filiorum Dei: Nec non Ambrosius, qui afferit particulam

lam *in* hoc loco valere *in* tempusque denotare, quo liberanda erit creatura. Sed uterque horum nodum in scirpo quærerit. Quamvis enim lubenter concedamus particulum *in* pro *et* interdum in Sc. S. usurpari e. g. Act. VIII: 23. XIX: 22. XXIII. II. Matt. II: 23. X.: 41. Mar. I: 9. aliasque significations sustinere, inde tamen non sequitur, quod hoc in loco ita etiam debeat vel possit explicari. Præterquam quod *an* nunquam præcedat *in*, ubi illud non significet terminum a quo, hoc terminum ad quem, ceu colligitur ex Gal. I: 6. ubi Apostolus miratur Galatas tam subito aversos esse, *απὸ τῆς μαλεσκούσης αὐτοῖς εἰς ἔτερον έυαγγέλιον*, ita cum dicit nos transformari *από δόξης εἰς δόξαν* II. Cor. III: 18. Aut cum docet, quod sanguis Christi nos mundet *απὸ τηρηθῶν ἐργῶν εἰς τὸ λατρεύειν Θεῷ ζῶντι* Ebr. IX: 14. nemō *απὸ* aliter quam de termino a quo, nec *εἰς* aliter, quam de termino ad quem interpretatur. Cur igitur in simili plane constructione non ita exponerentur? Innuit itaque Apostolus creaturam liberandam esse, ita ut ad meliorem statum perducatur, & quidem gloriosæ libertatis Filiorum Dei particeps evadat, quod de creaturis irrationalibus & inanimis dicere absconum est.

## §. IV.

In scenam itaque prodeant, qui per *κίνησιν* homines ab Apostolo designari putant. Recentiores

nonnulli, sigillatim Nortonus Knatchbullus in animad. in h. I. p. 81. 82. Lightfootus in hor. Talmud. ad Mar. XVI: 15. aliique, de gentibus nondum conversis, sed profano adhuc cultui impurisque ritibus addictis, attamen ad libertatem Filiorum Dei evangelicam anhelantibus, creaturæ vocem interpretantur & per vanitatem idolatriam intelligunt. Sed nec illi rem acutangunt. Quamvis enim gentiles Israëlitis oppositæ ab Ebræis vocabantur creaturæ, nec in S. S. institutum sit homines appellare creaturas, quibus etiam gentes annumerantur, conf. Mar. XVI: 15. Col. I: 23. non tamen possumus dicere totum mundum Ethnicum vanitati mentis suæ subjectum esse ἐν ἔκστασις, αλλὰ διὰ τὴν ὑπερέξαντα. Επὶ ἀλπῖδι. Nec apparet quomodo ἐμφανιώμενη illa verba συνεπάγουσα των συνδικών de gentilibus usurpare potuerit; nam non ingemiscunt, ut liberentur a servitute corruptionis in libertatem Filiorum Dei, nec ulla ratio ne de gentilibus inconversis prædicari potest, eos τὴν ἀποκάλυψιν τῶν οὐών ταῖς tam avide exspectasse i. e. τὴν μετάσωτα δόξαν, cœlestem illam gloriam, quam in filiis Dei aliquando revelandam dixerat Apostolus v. 18. In cassum objicitur gentiles ex aliqua evangelii fama gloriam Filiorum Dei, post resurrectionem corporum revelandam, satis intellexisse, multo minus ardentissimis suspiriis & tam anxie eandem desiderare.

imoriens nisi pote in nobis supradicti locutiones in Recensio[n]e Abrogationis oportet. B. S. V.

**E**x dictis patescit nec infideles per ~~rationem~~ heic intelligi posse. Eorum opinio, qui animas pie defunctorum ea voce significari statuunt sponte sua corruit. Pie enim defunctorum animas vanitati corruptionisque servituti adhuc subjici, illasque ~~conservare~~ ne ~~curwidentur~~ nemo nisi male sanus dixerit. Et quomodo, quæso, beatorum animæ differunt a Filiis Dei qui libertatis gloriæ æternæque participes facti sunt? v. 21, a quibus tamen creatura vanitati subjecta aperte distingvitur, quæ revelationem filiorum Dei demum exspectat v. 19.

## §. VI.

**Q**ui itaque dictum hoc de fidelibus agere credunt, eorum sententia nobis maxime ad patatum est. Huic addictus fuit B. Ittigius, qui in problemate exegético de creatura gemebunda, proposito MDCC. ita scribit: Arbitror hoc Apostoli oraculum commodius exponi non posse, quam si per creaturas fideles intelligamus, cui & suo modo facet B. H. Müllerus, in der Apostolischen schlusskette Dom. IV. p. Trin. p. m. 198. Lat. 2. intelligens pios Christianos, qui sub potentia & vanattyrrannorum servitute tunc temporis contra voluntatem suam tenebantur, tanto in odio habitos, ut

genuino Christianorum nomine haud insignirentur, sed pro vilissima indignissimaque terræ creatura haberentur. Hos sequitur Deylingus hoc modo scribens, ita profecto res est. Nihil aliud per ~~κτίσιν~~<sup>κτίσιν</sup> intelligi potest, quam fideles novique Christiani, qui maximam partem e gentilibus & aliqua ex parte e Judæis etiam, per evangelii præconium, collecti erant. vid. P. I:am observ. Sacr. XXXVIII. de creatura gemebunda. p. 155. Non tamen tam horum moti suffragiis, quam veritate sola, quæ ceterorum amicorum amicissima esse debet, nos nostrum etiam qualemcunque calculum huic addimus interpretationi. Nam prædicata, quæ heic creaturæ tribuuntur, in nullum alium aptius cedere possunt, quam fideles: quid enim de fidelibus magis prædicari potest, quam ~~ἀποκαρδούσια~~, significans attentam & sollicitam exspectationem. qualis est eorum qui stant capite arrecto, cum aliquem opperiuntur e longinquò venturum. Vim hujus significationis ipse etiam exprimit Apostolus quando ~~κτίσιν~~, cui v. 19. tribuit ~~ἀποκαρδούσια~~, infredit ~~τηρεῖν~~, una parturire, quoniam quæ parturit avidissime foetum suum exspectat. Auget autem emphasis, quod Apostolus non simpliciter dicat creaturam exspectare, sed pro genio linguae Hebreæ ipsam creaturæ exspectationem exspectare, quasi tota creatura esset exspectatio. Hanc vocem etiam Paulus suæ tribuit exspectacioni Phil. 1: 20. scribens: Κατὰ τὴν ἀποκαρδούσιαν νοήσθαι εγώ. Ejusmodi desiderium, quamvis non voce ~~ἀποκαρδούσιας~~, affig-

assignatur fidelibus in aliis etiam locis Sc. S. αὐτὸς  
 καὶ φατε καὶ ἐπέρεπτο τὰς καθηλάς ιμᾶν, διὸς ἐγγίζει οὐκ επολύ-  
 πρωτεῖς ὑμῶν dicit salvator. Luc. XXI: 28. προσδεχό-  
 μενοι τὴν μακαρίαν ἀπίδια καὶ ἐπιράνειαν τῆς δόξης τῷ μεγά-  
 λῷ Θεῷ καὶ σωτῆρες ιμῶν θεοὺς χειτῶν inquit Paulus, Tit.  
 II : 13. & 2. Cor. V : 2, 4. tribuit illis vocem  
 σενάζειν, quam huic creaturæ gemiscenti Rom.  
 VIII : 22. assignavit. Si per ματαιότητα intelligas  
 afflictiones, optime in fideles quadrat; quamdiu  
 enim membra sunt ecclesiæ militantis, variis æru-  
 mnis, miseriis & vexationibus sunt expositi. Ne-  
 que hæc interpretatio abhorret a Scripturæ usu,  
 quæ sub vanitate id omne comprehendit, quicquid  
 in hoc orbe evanidum, caducum, inconstantia mi-  
 seriis atque corruptioni est obnoxium. Et quoniam  
 non a peccato, ergo nec a vanitate, quæ suam  
 originem peccato debet, sunt immunes. Quam ob-  
 caussam nec deficit illis servitus corruptionis, quia  
 externus homo per varias calamitates corrumpitur  
 2. Cor. IV: 16. Immo, per mortem in cineres tan-  
 dem redigitur. Hinc dicitur 1. Cor. XV: 43. Σπλή-  
 γχει τὸ Φθορό. Ex hac vanitate & servitute cor-  
 ruptionis anxie liberari desiderat creatura, una  
 cum iis, qui primitias Sp. S. acceperant, i. e. præ-  
 stantissima dona, qui tunc temporis erant apostoli,  
 nonnullique alii fideles extraordinariis Sp. S. donis  
 instructi, v. 22, 22. ut quibusdam placet, vel quod  
 alii malunt, qui primi ex Judæis & gentilibus e-  
 rant conversi, quos a Paulo & reliquis Apostolis  
 volunt per verba, καὶ ιῆμες αὐτοὶ εἰς ταῦτας σενάζομεν, di-  
 stingvi,

stingvi. Nobis perinde est, quānam explicatio  
prævaleat.

## §. VII.

**V**ides ergo assertionem nostram duabus niti Hermeneuticorum regulis, quarum prima (\*) talia sunt subjecta, qualia permittuntur a suis prædicatis. Altera (\*\*) in propria & usitata verborum significatione persistendum, quamdiu non manifesta circumstantia textus, aut subjectæ materiæ conditio aliaque urgens ratio ad impropriam significationem descendere cogit. Hisce Hermeneuticorum regulis junctim sumtis, prædicata neque in textu neque in contextu competit creaturæ rationis experti, bene autem ratione præditæ & fidelibus, qui talia sunt subjecta, quibus omnia creaturæ heic attributa prædicata assignari possunt, nec urget necessitas, ut a verborum proprietate recedamus, & ad ~~περιστολας~~ figuram fugiamus. Non enim est, quod objiciatur urgere necessitatem tam ratione subjecti quam prædicati; Quia vox ~~κοντως~~ absolute & sine additamento in Scripturis de fidelibus nusquam adhibita legitur. Ubinam vero sola irrationalis & inanimata creatura, hominibus exclusis, ~~κοντως~~ appellatur? plura autem loca in promtu sunt, ubi vox ~~κοντως~~ de solis hominibus usurpatur, ut

\* B. Pfeiffer in Herm. S. ad Cap. VIII. §. 5. can. CLVI.

\*\* B. Bajer in Comp. Theol. Pos. Pr. Cap. II. §. XLV.

ut antea monuimus. Mar. XVI: 15. Col. I: 23.  
 Præstat itaque locum Pauli nostrum de creaturis  
 ratione præditis, quam ea destitutis, explicare,  
 & quoniam prædicata irregenitis non competit,  
 ea de solis accipere fidelibus. Ast oggeris, nos  
 Sp. S. ταῦτα arguere, siquidem credentes sub  
 nomine Filiorum DEI jam comprehenduntur utpo-  
 te quibus creatura contradistinguitur. V. 23. Verum  
 enimvero creatura certo modo differt a Filiis DEI,  
 ea nim. ratione ut creatura significet fideles ec-  
 clesiæ militantis, per ὃς autem ἐστιν præcipue e-  
 lecti cives in cœlis intelligentur. Hoc patet ex v.  
 21. ubi τὰ τέκνα ἐστιν sunt, qui glorioſa libertate  
 in cœlis jam fruuntur, & ἀγενία v. 23. non est  
 adoptio hujus vitæ in numerum fidelium, sed τὰ  
 τέκνα ἐλευθερίας δόξα in futura vita cœlesti, quam fi-  
 deles exspectant. Nec interpretationi nostræ ner-  
 vos incidit, quod v. 22. dicatur τὰ τέκνα κτίσματα νομο-  
 ονομάτων. Nam ex Logicis constat vocem Omnis  
 non esse adæquatum universalitatis signum. At-  
 que eadem ratione, qua τὰ τέκνα ἀνθρώπινη κτίση 1. Pet.  
 II: 13. restictive ad magistratum sive regem si-  
 ve supereminenter, omni jure explicatur, ita  
 τὰ τέκνα heic restringi debet ad omnes & sin-  
 gulos fideles, non solum eos qui extraordinariis  
 & præ aliis excellentissimis donis erant prædicti,  
 sed alios etiam hæcce non possidentes. Ipse fane  
 Apostolus per articulum, quem in hoc dicto voci  
 τίτλων præposuit v. 19, 20, 21, 22. indicasse vi-  
 detur, quod de illis tantum loquatur fidelibus, de  
 qui-

quibus Paulo antea fuerat locutus, nempe de fidelibus, qui πνεῦμα ὑοθέσιας acceperant v. 15. qui erant τίκται ἐγώ, καλυπτόμενοι Θεός, συγκαλυπτόμενοι Χριστός v. 17. patientes cum Christo & cum eo conglorificandi. Ex hisce breviter allatis colligi posse existimaverim, Apostolum voce κλησιῶν hoc loco intelligere καρκίνην κτίσιν, quo titulo fideles insignit.

2. Cor. V: 17. Gal. XIV: 15.

## §. VIII.

**A**nimus quidem erat pluribus nobilem hanc matrem persequi aliaque contradicentium argumenta proferre, præsertim ea, quæ occurrunt in dissert. Philologico - Hermeneutica de objecto Paulini sermonis, Christo τῇ ἀποκαρεγδονίᾳ τῆς κλησιῶς &c. D:ni Sam. Gerlach, quæ mense Aug. A:i 1733. sub Præf. Viri Magni D. D. Christ. Bened. Michaëlis Halæ Saxonum lucem videt publicam; ubi non quidem directe prima specie videtur mihi adversari, quippe qui potius mecum, præcipue circa finem dissertationis, statuit per κλησιῶν fideles e paganis potissimum intelligendos esse: quoniam tamen διποκαρεγδονίας Paulinam in Christum transmutat, idque ut obtineat, argumentum meum a prædicatis variis modis enervat, revera nobis contrarius censendus est; sed curta nimium supellex & festinata Typographi opera heic pedem figere jubet. Quapropter, alia forte occasione D. V. hac de re pluribus dicturi, hæc exigua prolata, candidæ bonorum censuræ commendamus.

Μόνῳ Θεῷ πατέρικά τε θεού σέξα.